

PROPOSTAS DE RESOLUCIÓN DO GRUPO PARLAMENTARIO DOS SOCIALISTAS DE GALICIA APROBADAS NO DEBATE ANUAL DE POLÍTICA XERAL DO PARLAMENTO DE GALICIA

Aprobadas por unanimidade.

1.1. Promover un gran ACORDO cos axentes sociais e os partidos galegos con representación parlamentaria, para o impulso dun PROGRAMA DE REACTIVACIÓN ECONÓMICA E DE EMPREGO, ao longo do actual período de sesións, por medio do oportuno instrumento parlamentario.

1.2. Aprobar e presentar, no prazo dun mes, ante o Parlamento de Galicia, un Plan de impulso da licitación da obra pública, que comprometa cando menos a cantidade de 1.300 millóns de euros no 2010 por parte da Administración Autonómica.

1.3. Deseñar un Plan de Loita contra o Fraude Fiscal que garanta o control das actividades suxeitas a impostos, taxas ou prezos públicos de competencia autonómica e deseñe, en colaboración ca Agencia Tributaria, as liñas de actuación para a detección do fraude fiscal e a economía mergullada en Galicia.

1.4. Afondar na eficacia do noso sistema fiscal e no desenvolvemento da nosa autonomía fiscal, para o que o Goberno galego debe aprobar no ano en curso o proxecto de lei da Axencia Tributaria de Galicia.

1.5. Negociar coa Administración Central unha modificación dos criterios de reparto e a contía do Fondo de Compensación Interterritorial. Dita revisión deberá proporcionar as comunidades que, como Galicia, presenten un PIB per cápita por debaixo da media española, unha dotación que permita compensar a diminución de fondos procedentes da Unión Europea, garantindo a discriminación positiva que facilite o proceso de converxencia.

1.6. Definir para cada unha das medidas de política económica que poña en marcha, un conxunto de indicadores que permitan o seu seguimento e avaliación e faciliten a difusión e coñecemento da cidadanía do grado de cumprimento das medidas e dos obxectivos.

1.7. Revisar os criterios de asignación de proxectos e obras á Sociedade Pública de Investimentos, de xeito que só podan efectuarse con cargo o investimento deste organismo obras novas, impedindo a realización de obras de conservación e mantemento que deben ser asumidas de xeito directo polo orzamento das consellerías da Xunta de Galicia.

1.8. Axilizar a xestión dos fondos europeos a disposición da Comunidade Autónoma, anticipando a súa execución, para beneficiarse da asignación dos fondos de reserva. A Xunta de Galicia informará de xeito trimestral ao Parlamento de Galicia sobre os avances acadados.

2.1. Aprobar un Plan de Racionalización do sector público institucional, a presentar no actual período de sesións, eliminando duplicidades innecesarias e simplificando o número de entes, sociedades e empresas dependentes da Xunta de Galicia, co obxecto de facer máis áxil o funcionamento da Administración galega e diminuír os seus gastos correntes.

2.5. Impulsar a e-administración para lograr a realización de procesos, concursos ou consultas on-line, axilizar os tempos de tramitación e conseguir a redución dos gastos correntes, tanto da administración como dos administrados.

3.3. Establecer o sistema de "toma de razón", posto en marcha en algunha Comunidade Autónoma, para axilizar ao máximo o pago a empresas e particulares que teñan algún contrato ou subvención recoñecida coa Administración Autonómica, en colaboración cas entidades financeiras operantes en Galicia, que aceptarían ese documento para adiantar o pago que logo recibirían da Administración.

3.5. Establecer un compromiso de pago máximo de 30 días para as facturas emitidas a partir de agora, para os pagos da administración autonómica, que deberá ser acadado, a través dun calendario de aplicación progresiva, en marzo de 2011.

5.2. Asinar a través do IGAPE un convenio de colaboración co ICEX, para aproveitar a súa rede de conexións cos principais centros económicos e financeiros, tanto para promover a internacionalización das empresas galegas como para lograr á atracción de investimentos estranxeiros.

6.3. Aprobar un Plan específico para empresas de base tecnolóxica con fortes expectativas de desenvolvemento futuro, que presenten un elevado valor engadido, como a biotecnoloxía, as TIC, etc.

9.1. Elaborar, no prazo de tres meses, un Plan Estratéxico de Turismo que permita articular nunha rede tódolos recursos turísticos, que diversifique a comercialización de produtos e mercados, supere a estacionalidade e se concerte coas Administracións locais e o sector privado para acadar unha acción turística de escala.

9.2. Impulsar a reorientación do destino dos investimentos procedentes de fondos europeos nun marco estratéxico que permita a innovación e desenvolvemento tecnolóxico, apostar pola formación do capital humano e protexer e valorizar os contornos naturais como elemento potenciador do turismo.

9.5. Facilitar a divulgación e apromoción turística de Galicia a través dun convenio co Instituto Cervantes.

16.1. Impulsar a elaboración dunha Norma Galega de Autoprotección, no marco do desenvolvemento o que remite á lei 5/2007 de emerxencias de Galicia.

18.1. Presentar semestralmente no Parlamento e a facer público, un informe sobre o estado da acción exterior en relación coa Unión Europea, explicitando as xestións ante as institucións comunitarias, a participación nos organismos multilaterais e a presenza no Comité das Rexións. Igualmente incluírá os obxectivos da Xunta para o período da seguinte presidencia europea.

16.4 O Parlamento de Galicia insta á Xunta de Galicia a elaborar e presentar ante o Parlamento de Galicia o II Plan Galego de Seguridade Viaria para seguir loitando dende a participación e a colaboración interadministrativa por condutas e aptitudes que erradiquen a

sinistralidade nas nosas estradas intentando o mapa actual dos tramos potencialmente perigosos así como a sinalización e aos tramos de concentración de accidentes na rede autonómica de estradas.

Aprobada por 62 votos a favor e 12 abstencións

28.6. Aprobar o Plan de Residuos que promova a redución en orixe, a reciclaxe, a reutilización e que defenda os principios de complementariedade dos modelos de xestión de residuos e de proximidade no tratamento dos mesmos.

RESOLUCIÓNS TRANSACCIONADAS APROBADAS POR UNANIMIDADE

2.4. Continuar a desenvolver medidas de Eficiencia Enerxética no conxunto dos Edifícios Administrativos da Xunta de Galicia co obxecto de diminuír custes e introducir sistemas e técnicas de optimización de recursos enerxéticos no mantemento de instalacións e equipamentos públicos.

6.5. Continuar promovendo e potenciando Programas de eficiencia enerxética, establecendo unha liña específica de axudas para a eficiencia enerxética en vivendas que contemple plans renove en cuestións como melloras de tellados, peches e acristalaios, fiestras, caldeiras menos contaminantes e placas solares.

18.2. Potenciar a Agrupación Europea de Cooperación Transfronteriza Galicia-Norte de Portugal e o seu impulso como espazo de encontro e de acordos que beneficien os intercambios culturais, empresariais e sociais entre ambos territorios.

Saúdos, Comunicación PSdeG-PSOE